

# Te whakawhānuitanga o ngā Ratonga Hāpaiako Tōmua (EIS)

He mōhiohio mā ngā  
Mātua, ngā Kaitiaki  
me ngā Whānau



He ratonga tautoko akoranga te Ratonga Hāpaiako Tōmua (EIS) mā ngā tamariki whai mātea whanaketanga, whakawhiti kōrero, whanonga āpiti rānei.

Atu i te Wāhanga 1 2026, ka whakawhānui a EIS i te mahi tautoko tamariki atu i te whānautanga tae noa ki te mutunga o te Tau 1 o te kura. I tēnei wā, ka mutu te EIS i te wā ka tīmata te kura a te tamaiti.

## **Ka mahi tahi te EIS ki ngā tamariki me ō rātou whānau**

Ka mahi tahi ngā kāhui hāpaiako tōmua ki ngā whānau, ngā ratonga akoranga kōhungahunga me ngā kura ka tono tautoko i te wā e āwangawanga ana rātou mō te ako me te whanaketanga o te tamaiti.

Ko te tikanga o te whakawhānuitanga o tēnei ratonga ki te mutunga o te Tau 1 o te kura, ka tautokona ngā tamariki me ngā whānau, mai i ngā taiao kura kōhungahunga tae noa ki te kura tuatahi, me ngā tautoko tika e pai ai tana tīmatanga.

## **Me pēhea te rapu tautoko**

He rerekē te wā whanake o ngā ākonga katoa, engari he āwangawanga pea ō ngā mātua mō ngā mahi ako a ā rātou tamariki. Ki te māharahara koe, me kōrero ki tētahi tangata matatau e mōhio ana ki tō tamaiti, ā, māna e whakarato tautoko, otirā he tīmatanga pai tēnei.

Tēnā whakapā atu ki:

- › Tō ratonga akoranga kōhungahunga, mā te kōrero ki te kaiako a tō kōhungahunga
- › Tō kura, mā te kōrero ki te kaiako a tō tamaiti, ki te kairuruku tautoko akoranga rānei o tō kura (LSC), ki te Kairuruku Matea Motuhake (SENCO) rānei.
- › Ō kaiwhakarato hauora pēnei i tō tākuta, Whānau Āwhina Plunket, ki a Well Child Tamariki Ora rānei.

## **Me kōrero ki tō kāhui tautoko akoranga**

Ka taea hoki te whakapa mai ki a mātou mō ētahi atu tohutohu me te tautoko.

- › [Ngā tari ā-rohe.](#)

Ka taea e ngā mema o te kāhui tautoko akoranga te whakamārama ake mēnā ka hiahia tautoko tapiri koutou ko tō tamaiti, ā, he aha ngā kōwhiringa e wātea ana.

## **Ētahi mōhiohio anō**

- › [He tautoko i tō tamaiti ki ētahi āwhina atu anō ki te ako - Te Tāhuhu o te Mātauranga](#) tae atu ki te Raumeka EIS mā ngā Mātua
- › [Te tautoko akoranga ina kuhu tō tamaiti ki te kura - Te Tāhuhu o te Mātauranga](#)
- › [Ki te māharahara koe ki ngā mahi ako a tō tamaiti - Te Tāhuhu o te Mātauranga](#)
- › [Haumitanga Mahere Pūtea 2025 ki te Tautoko Akoranga](#)

# Ngā Pātai me ngā Whakautu

## Ko wai e māraurau ana ki ngā Ratonga Hāpaiako Tōmua?

E wātea ana te tautoko EIS ki ngā ākonga, atu i te whānautanga tae noa ki te mutunga o te Tau 1, atu i te 2026.

## Ka taea e tētahi mātua te tono i te tautoko akoranga?

Āe. Ka taea e ngā mātua te whakaara ake i ngā māharahara ki ngā kaiako kōhungahunga, te kaiako kura, te Kairuruku Tautoko Akoranga rānei. Ka mahi tahi pea ngā kura me ngā ratonga akoranga kōhungahunga ki ngā mātua ki te aromatawai i ngā matea o te tamaiti, me te tūhono i a rātou ki ngā tautoko me ngā ratonga tika.

## Me tautohu rawa taku tamaiti e āhei ai ia ki ngā tautoko akoranga?

Ehara i te mea me tautohu ōkawa rawa te tamaiti e āhei ai ia ki ngā tautoko akoranga.

## He ākonga hou taku tamaiti ki te kura, ka taea te tono i a ia ki te EIS?

Āe, ka taea te tono i ngā tamariki me ngā matea tautohu hou i te Tau 0 me te 1, ki te EIS, atu i te 2026.

## He aha ngā āwhinatanga ka taea e taku tamaiti ki te hiahia tautoko akoranga ia i muri o te Tau 1?

Atu i te 2026, e wātea ana te tautoko EIS ki ngā ākonga, tae noa ki te mutunga o te Tau 1.

Ki te hiahia te tamaiti i te tautoko akoranga i muri o te Tau 1, ka tautokona pea e te Pouhāpai i te Ako me te Whanonga (RTLB), ngā Ratonga Whanonga me ngā Whakawhitinga Kōrero, e ngā tautoko i rō kura rānei pēnei i te SENCO, i te LSC rānei. Me kōrero ki te kaiako a tō tamaiti, ki te whakaaro koe ka hiahia pea tō tamaiti i te tautoko moroki.

## Ko wai e whakaae ana ki te tautoko EIS?

Me whakaae rawa ngā mātua ki te tautoko EIS, ā, ka āhei te tango i te whakaaetanga ahakoa te wā. Me waitohu rawa ngā mātua i te tuatahi.

*"Ko te Mahere Pūtea 2025 te haumitanga nui rawa ki te tautoko akoranga i tēnei whakareanga. Ka arotahi ki te hāpaiako tōmua, te whakawhānui i ngā ratonga, me te whakapai ake i te āheinga ki ngā mātanga, ki te whakarite kia whiwhi ngā ākonga i te tautoko e tika ana."*

